

Sakspapir

Saksnr	Utvalg	Type	Dato
083/20	Kommunestyret	PS	24.09.2020

Saksbehandler	Arkiv	ArkivsakID
Thomas Lindås	FA-C83	20/318

Adgang for folkevalde organ til fjernmøte

Framlegg til vedtak:

Kommunestyret i Austrheim gjev adgang til at folkevalde organ kan avholde sine møter som fjernmøte.

Grunngjeving er gjeve i saksutgreiinga.

Vedtaket er heimla i kommunelova § 11-7.

Kommunestyret - 083/20 - 24.09.2020

KS - behandling:

Handsaminga av denne saka vart flytta til starten av møtet, etter godkjenning av innkalling og sakliste (og av møteprotokollen, men den var jo ikkje med).

Kommunalsjef Thomas Lindås orienterte om saka, og sa at dette vedtaket må gjerast for at resten av dette møtet skal kunna avviklast som eit Teams-møte. Lovverket opnar for at kommunestyret kan gjera det på denne måten, ved å starta eit fjernmøte med å godkjenna avviklinga av denne typen fjernmøte.

Reidar Øksnes (Sp) spurte om det var OK å ha det førre kommunestyremøtet, 18. juni, som fjernmøte. Det vart avklara frå kommunalsjef Lindås at det var OK.

Vedtak i kommunestyret:

Samrøystes for rådmannens framlegg til vedtak.

KS - vedtak:

Kommunestyret i Austrheim gjev adgang til at folkevalde organ kan avholde sine møter som fjernmøte.

Grunngjeving er gjeve i saksutgreiinga.

Vedtaket er heimla i kommunelova § 11-7.

Saksopplysninger:

Bakgrunn

Fjernmøter er eit tema som gjennom det siste året har blitt aktualisert grunna pågåande influensapandemi. Med bakgrunn i dette vart det 13. mars 2020 vedtatt midlertidig forskrift som opna for fjernmøter. Forskrifta vart oppheva i brev frå kommunal og moderniseringsdepartementet av 24. juni 2020.

Kommunelova opnar for at folkevalde organ kan avholde sine møter som fjernmøter. Kommunelova § 11-7 seier følgjande:

§ 11-7. Fjernmøter

Kommunestyret og fylkestinget kan selv beslutte at folkevalgte organer i kommunen eller fylkeskommunen skal ha adgang til å holde møter som fjernmøte.

Fjernmøte innebærer at deltakerne ikke sitter i samme lokale, men at de via tekniske hjelpemidler likevel kan se, høre og kommunisere med hverandre. Kravene som ellers gjelder for møter, gjelder også for fjernmøter.

Et møte som skal lukkes etter [§ 11-5](#) andre ledd, kan ikke holdes som fjernmøte.

Departementet kan gi forskrift om krav til gjennomføring av fjernmøter, unntak fra kravet i andre ledd om at møtedeltakerne skal se hverandre og unntak fra tredje ledd

Vurdering

For å forsatt kunne avholde møter i folkevalde organ som fjernmøte må dette vedtas i kommunestyret. Det er viktig å ha adgang til fjernmøte i tida med pågåande influensapandemi for å sikre at dei folkevalde organa kan fungere.

Det er viktig å merke seg at krava i kommunelova og gjeld for fjernmøte.

Dette er berre ei opning for å kunne holde fjernmøte. Det er opp til det enkelte organ å vurdere om møtet skal vere eit fjernmøte eller fysisk møte.

Konklusjon

Kommunestyret i Austrheim gjev adgang til at folkevalde organ kan avholde sine møter som fjernmøte.

